



30. januar 2014

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Apeqqut Naalakkersuisunut immikkut siunnersortinik atorfinitsitsisarneq pillugu:

1. Naalakkersuisut Siulittaasuata uppersarpaa, immikkut siunnersortit, Naalakkersuisut atorfinitsinniarlugit aalajangiussimasaat, aamma Naalakkersuisoqatigiit partiivinnut suleqataasassasut. Takusinnaasakka naapertorlugit tamanna politikikkut sulinerlutik aningaasatigit tapiisarneq pillugu Inatsisartut inatsisaanni § 1 imm. 4-mi aalajangersakkanut erstittumik sanioqqutaarinerupput, tassani ersarissumik oqaatigineqarmat, Namminersorlutik Oqartussat taamaallaat politikikkut sulinerlutik tapiisnaatitaasoq, tamanna inatsimmi ersarissumik tunngavissaqarpat. Kaajallaasitaq inatsisaanngilaq allaffissornermili najoqqutassaavoq. Tamanna tunngavigalugu paaserusuppara:

a. Naalakkersuisut Inatsisnik atortitsinerlutik allaffiata imaluunniit Naalakkersuisut eqqartuussissuserisuata tamanna isummerfigisimaneraat kaajallaasitaq Naalakkersuisunit akuerineqartinnagu?

b. Taamaassimappat taava takku ajornartorsiummut qanormita oqaaseqarsimappat?

c. Naalakkersuisut, ajornartorsiut misissorneqarsimangippat, allaffeqarfik qinnuginiarnerlugu immikkut siunnersortinik atorfinitsisarneq pillugu kaajallaasitaq utertinneqassasoq suliaq misissorneqarsiillugu taamatullu kaajallaasitaq nutaap, inatsisnik unioqqutsinertaqanngitsup, atortussanngortinnissaata tungaanut?

2. Naalakkersuisut isumaqataanerlutik, naammangitsoq aningaasanut inatsimmi missingertuutinik tunngavillisoqarnissaa, politikikkut sulinerlutik tapiissutit pillugit Inatsisartut Inatsisaat unioqqutinniarlugu, takuuk Inatsimmi § 1-mut imm. 4-mut oqaaseqaatit kingullit?
(Inatsisartunut ilaasortaqaq Andreas Uldum, Demokraatit)

Tunngavilersuut:

2009-mi akuerseqataaffigaara Naalakkersuisunik sulinerlutik aningaasatigit tapiissuteqartarneq pillugu Inatsisartut inatsisaat nr. 16 3. december 2012-meersoq.

Akuersinermi tassani inatsisartut tamarmiullutik akueraat ilaatigit inatsimmut imatut ilassusiisoqassasoq:

Imm. 4. Kalaallit Nunaanni Namminersorlutik Oqartussat partiinut, kattusseqatigiinnut kisimiillutilluunniit qinigaasanut aningaasatigit toqqaannartumik toqqaannangikkaluamilluunniit tapiissuteqarsinnaanngillat, tamanna inatsimmi matumani inatsimmiluunniit allami erseqqissumik tunngavissinneqarsimangippat.



Aalajangersakkanut oqaaseqaatini allassimavoq ” Inatsisartut inatsisaat naapertorlugu Kalaallit Nunaanni Namminersorlutik Oqartussat partiinut, kattusseqatigiinnut kisimiillutillu qinigaasunut aningaasatigut tapiissutigisinnaasaat tamakkiisut tassani erseqqissaatigineqarlutik”.

Aamma allassimavoq:

Aalajangersakkakut aalajangersarneqarpoq Namminersorlutik Oqartussat toqqaannartumik toqqaannangikkaluamilluunniit aatsaat tapiissuteqarsinnaasut, tamanna inatsimmi erseqqilluinnartumik tunngavissinneqarsimappat, tassunga ilanngullugit Inatsisartut inatsisaanni aalajangersakkat sinneri kiisalu inatsisit allat, soorlu aningaasarsiaqartitaanermut inatsit. Missingersuutit ileqquliussalluunniit aqutigalugit tunngavissiisoqarsimappat tamanna naammangilaq.

Aningaasatigut toqqaannartumik tapiissuteqarnerup saniatigut aningaasatigut toqqaannangikkaluamik iluaqutissinneqarnermut, soorlu pitsaasumik atugassaqartitsilluni taarsigassarsinermut qularnaveeqqusiinermullu kiisalu sullississutinut, pigisanut atuisinnaatitaanernulluunniit akeqanngitsunut imaluunniit akinut akikinaakkanut aalajangersagaq aamma tunngassuteqarpoq”.

Inatsit allatut oqaatigalugu paatsoorneqarsinnaanngilaq. Toqqaannartumik toqqaannangitsumilluunniit politiikkut partiinut imaluunniit politikikikut sulinermut aningaasaanik tapiisoqarsinnaanngilaq, tamanna pisinnaavoq aatsaat Inatsisartut inatsisaanni allassimappat taamatut tapiisoqarsinnaasoq.

Naalakkersuisulli kaajallaasitaq, allaffissornermi malitassiaq akuerisimavaat. Kaajallaasitarli Inatsimmut naleqqiullugu allarluinnaavoq. Naalakkersuisut tamanna tunngavigalugu § 37 naapertorlugu apeqqutit Inatsisartuneersut arlallit akisimavaat.

Sara Olsvigimut akisummi, ullulerneqarsimasumi 23. januar 2014, kingullermik oqaatigineqarpoq immikkut siunnersortit Naalakkersuisut tunuliaqutaannut partiinut naalakkersuisoqarfimmullu attaveqataasussaasut. Apeqqummut nr. 2 –mut akisummi toqqaannartumik allassimavoq, suliaq taanna atorfilinnit isumagineqarsinnaanngitsoq. Pissutaalluni suliap politikkimut attuumassuteqarnera.

Tamanna uppernarsarneqarpoq apeqqutinut 3-mut aamma 5-mut akissutini, allassimammat immikkut siunnersortit partiit Naalakkersuisunut tunuliaqutaasut, sulinerannut suleqataassasut.

Allatut oqaatigalugu takuneqarsinnaavoq, kaajallaasitami allassimasut politikikkullu sulinermut tapiisarneq pillugu Inatsisartut Inatsisaanni allassimasut akerleriittut, kaajallaasitap ammaammagu Naalakkersuisuutitaqartut partiivinut annertuumik toqqaannartumik tapiisoqartalissasoq.



Sara Olsvigip apequtaanut 1-mut akissummi qulaniittumi Naalackersuisut Siulittaasuat oqarpoq, Naalackersuisut allaffeqarfiini atorfinitsitsinissaq aningaasanut inatsimmi inatsisitigut tunngavissaqartoq. Taamaasilluni Naalackersuisut Siulittaasuat isumaqarsimagunarpoq, taamaasilluni immikkut siunnersortinik atorfinitsitsisoqarsinnaangortoq. Tamannali ersarissumik kukkuneruvoq, inatsimmut oqaaseqaatini qulaani atuarneqarsinnaasuni allassimammatt ” Missingersuutininik imaluunniit pisartunik tunngaveqarnissaq naammangitsoq” partiit politikikkut sulinerannut toqqaannartumik toqqaannangitsumiluunniit tapiissugteqarnissaq.

Amingarluinnartutut isigaara, Naalackersuisut Siulittaasuata takusimangimmagu Inatsisartut akuerisimasaannut Inatsimmut naleqqiullugu akerliulluinnartumik pisoqartoq. Tamanna tunngavigalugu apequtit saqqummiuppakka akeqqullugit ullut sulliviit naliginnaasut qulit iluanni.